



TOSHKENT DAVLAT YURIDIK UNIVERSITETI REKTORINING B U Y R U G ' I

12.04.2023

213-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda. Jumladan, universitetning Xalqaro huquq va qiyosiy huquqshunoslik fakulteti 1-kurs talabasi Xojimirzayev Rustamjon Abdusalil o'g'li 2023-yil 3-mart kuni Universitetning 2-binosi 311-xonasida "Huquq tarixi" fanidan dars mashg'uloti olib borayotgan o'qituvchi Xujanazarov Azizjon Anvarovichga nisbatan hurmatsizlik qilganligi uchun Universitet rektorining 2023-yil 11-martdagi 145-tm-son buyrug'iga muvofiq hayfsan e'lon qilingan.

Mazkur buyruq mazmuni bilan tanishtirish uchun 2023-yil 13-martda talaba R.Xojimirzayev dekanatga chaqirtirilgan hamda dekan o'rinbosari Sh.Bobodo'stov tomonidan buyruq mazmuni tushuntirilgan. Talaba R.Xojimirzayev mazkur buyruqni o'qib chiqqan, ammo imzo chekishdan bosh tortgan. Mazkur jarayonda tyutor M.Tursunov 1-kurs talabalari bo'yicha mas'ulligi sababli, 1-kurs talabasi R.Xojimirzayevga hayfsan berish to'g'risidagi buyruqdan norozi bo'lganda, shikoyat qilish huquqini tushuntirgan.

Ammo, mazkur holatda 1-kurs talabasi R.Xojimirzayev dekan o'rinbosari Sh.Bobodo'stov bilan gaplashayotganini aytib, "siz umuman aralashmang", "siz yaqinda almashasiz" kabi jumlar bilan qo'pollik qilgan hamda 1-kurs tyutori M.Tursunovga nisbatan hurmatsizlik qilgan.

Mazkur holatda dekan o'rinbosari B.Normatov M.Tursunovga nisbatan qilgan harakatlari Universitet Odob-axloq kodeksi normalariga zid ekanligi va tegishli intizomiy chora ko'rilishi to'g'risida ogohlantirishiga qaramasdan va o'z

qilmishidan xulosa chiqarmasdan dekanatdan qo‘pollik qilib “sizlarga yarashovradi, maladets, zo‘r qilibsilar” deb, chiqib ketgan.

Talaba R.Xojimirzayevning qilgan harakatlari bo‘yicha fakultet dekaniga bildirgi kiritilgan hamda mavjud holat bo‘yicha dalolatnoma tuzilgan hamda talaba R.Xojimirzayevga tanishtirilgan.

Talaba R.Xojimirzayev mazkur dalolatnomadan norozi bo‘lib, 1-kurs tyutori M.Tursunovning harakatlari yuzasidan shikoyat qilib, murojaat qilgan.

Universitet Odob-axloq komissiyasining 2023-yil 7-apreldagi majlisida 1-kurs tyutori M.Tursunov va talaba R.Xojimirzayevlarning harakatlari kollegial tarzda ko‘rib chiqildi hamda komissiya qarori bilan R.Xojimirzayev 1-kurs tyutori M.Tursunovga nisbatan hurmatsizlik qilganligi sababli hayfsan chorasi qo‘llash bo‘yicha xulosa qilindi.

Talaba mazkur harakatlari bilan universitet Odob-axloq kodeksi 18-moddasining ikkinchi qismi (xodim, talaba va doktorantlarning o‘zaro munosabatlarida inson qadr-qimmatiga hurmatsizlik, shaxsiyatni kamsitish, o‘zganing intellektual mulkini o‘zlashtirib olish, qo‘pollik, behayo so‘zlar ishlatish, mushtlashish qat’iyan man etiladi) talablarini buzgan.

Yuqoridagilarni inobatga olgan holda Oliy ta’lim to‘g‘risidagi nizom (ro‘yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 18-modda ikkinchi qismi, Universitet Odob-axloq komissiyasining 2023-yil 7-apreldagi xulosasi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Universitet Odob-axloq komissiyasining 2023-yil 7-apreldagi xulosasiga muvofiq Universitet Odob-axloq kodeksi 18-moddasining ikkinchi qismi talablarini buzganligi uchun Xalqaro huquq va qiyosiy huquqshunoslik fakulteti 1-kurs talabasi Xojimirzayev Rustamjon Abdusalil o‘g‘liga hayfsan e’lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e’tiboriga yetkazilishi va keng muhokama qilinishini ta’minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabalarning shaxsiy hujjatlar yig‘majildiga buyruq nusxasi tikilishini ta’minlasin;

mazkur holat takror sodir etilsa, talabani talabalar safidan chetlashtirish mumkinligi to‘g‘risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Direktor

SH.PO‘LOTOV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Katta yuriskonsult

A.TURSUNOV

